

Skipulagsstofnun
Þórdís Stella Erlingsdóttir
Borgartún 7b
105 Reykjavík

Reykjavík, 27. febrúar 2023
UST202302-007/B.S.
10.05.00

Efni: Mat á umhverfisáhrifum – matsskyldufyrirspurn - endurnýjun vindmylla í Þykkvabæ. Umsögn

Vísað er til erindis Skipulagsstofnunar dags. 1. febrúar sl. þar sem óskað er umsagnar Umhverfisstofnunar um hvort og á hvaða forsendum ofangreind framkvæmd skuli háð mati á umhverfisáhrifum.

Nýjar vindmyllur verða reistar á undirstöðum vindmylla sem rifnar voru á síðasta ári þar sem þær höfðu staðið í nokkur ár. Fram kemur í greinargerð að nýjar vindmyllur verða nokkuð lægri en þær fyrri og að sveitarstjórn telji að ný mannvirki séu í samræmi við gildandi aðal- og deiliskipulag.

Hér er um að ræða endurbyggingu mannvirkja nokkuð lægri en fyrri vindmyllur á gömlum undirstöðum. Skipulagsyfirvöld telja að vindmyllurnar séu í samræmi við gildandi skipulag og ný mannvirki kalli ekki á breytingar á skipulagi. Í upphafi voru ekki allir nágrennar mannvirkjanna sáttir við byggingu þeirra og líklegast er svo enn.

Á sínum tíma var fjallað nokkuð ítarlega um áhrif þessara vindmyllna. Umhverfisstofnun telur að mat á umhverfisáhrifum nú mundi litlu skila af nýjum upplýsingum og að ekki sé ástæða til að ætla að nýjar vindmyllur muni hafa önnur og meiri áhrif en fyrri mannvirki.

Að teknu tilliti til ofangreindra atriða telur Umhverfisstofnun ekki líklegt að umrædd framkvæmd muni hafa umtalsverð umhverfisáhrif í för með sér.

Virðingarfyllst,

Björn Stefánsson,
sérfræðingur

Agnes Þorkelsdóttir,
sérfræðingur